

**Миян редакцияӧ шыӧдчис том нывбабакодӧс суӧма юрист дорӧ мог. Ас йывсьыс висътасьны эз окотит. Но, кыздэ тыдовтчис, аныс лӧсьӧдчӧ петны верӧс сайӧ. Верӧспуыс пӧ эськӧ быд боксянь бур. Но код тӧдас, век жӧ майшасьӧ нывбаба, кыздзи мый ладмас ськӧд ӧтувъя олӧмыс. Гашкӧ пӧ, коркӧ и торйӧдчыны ковмас.**

**–А позьӧ оз верӧс сайӧ петӧгӧн кырмавны кутшӧмкӧ кабала-документ, кӧни мед водзвыв вӧлӧ урчитӧма, юксьӧм бӧрас кодлы мый да уна-ӧ вичмас, босьтны кӧ тӧд вылӧ патера-машина, мукӧд эмбур да банкын сьӧм? – юасьӧ нывбаба.**

**Кыздзи и пыр, и тайӧ юалӧм вылас вочавидзӧ миян «Коми йӧзӧдчан керкаӧн» веськӧдлысь, юристлӧн диплома Вячеслав Васильевич Попов.**

–Позьӧ кырмавны сӧдз шусяна брачнӧй договор. Тайӧ – гозйӧдчысьяслӧн ӧти кывйӧ воӧдчан документ, кӧни урчитӧма сийӧ либӧ мӧд эмбурӧн вӧдитчӧм вылӧ ӧтлаын олӧганыс и торйӧдчӧм бӧрас налысь правояссӧ, а сӧдзжӧ ӧта-мӧд водзас могъяссӧ .

Кодӧ вермас кырмавны брачнӧй договорсӧ? Семьялӧн кодекс серти, татшӧм документсӧ вермасны кырмавны найӧ, кодъяс шыӧдчӧны ЗАГС-ӧ ӧтлаасьӧм могысь. Кырмавны позьӧ и ӧтлаын нин олӧгӧн. Но быть колӧ вынсьӧдны нотариуслӧн кырымпасӧн да печатьӧн.

А кор брачнӧй договорыс кутас збыльмӧдсьыны?

Татшӧм кабаляыс, кырмалӧма кӧ сийӧс ӧтлаасьӧм водзвылын, кутӧ «уджавны», кор гозъя гижсьӧны ЗАГС-ын. Договорсӧ кӧ кырмалӧмаӧсь гӧтрасьӧм бӧрас, то кабаляыслӧн оланпас выныс лоас сӧк, кор сӧтчӧ асьыс кырымпассӧ пуктас нотариус. Та могысь сы дорӧ колӧ волены гозъялы кыкнанныслы.

Мый позьӧ гижны-урчитны брачнӧй договорас? Тайӧ документас позьӧ гижны гозъя костын, гозъя да налӧн челядь костын эмбур юкӧм йылысь.

Семьялөн кодекс серти, став эмбурыс, кодос гозья нажөвитоны отлаын олиганыс, лоо налөн отувъяөн. И торйөдчиганыс тайө эмбурсө ковмас юкны шөрипөв. А брачной договорын позьө урчитны, мый патераыс – верөсылөн, а керкаыс – гөтырыслөн, и юксиганыс патераыс коляс верөсылы, а керкаыс гөтырыслы.

Олөмыс зөв аслыспөлөс, и вермас лоны быдтор, весиг мый он куж думыштыны. И отлаасиганыд кө майшасяныд сийө либө мөд эмбур кузя, то колө кырымавын татшөм кабаласө. Тайө лоас сідз шусяна «страховкаөн», көть эськө и бурджык, оз кө ковмы сийө гозьялы.